

ხ ე ლ შ ე კ რ უ ლ ე ბ ა №35/გ001

(სახელმწიფო შესყიდვების შესახებ)

ქ. თბილისი

“ 02 “ “მაისი” 2011წ.

დაიდო ერთის მხრივ, სსიპ ”ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრის” გენერალურ დირექტორს ნატა ავალიანს (შემდგომში “შემსყიდველი”) და მეორეს მხრივ, შ.პ.ს. “აუდიტ-ეკონომიქსი“-ს დირექტორ ა. ალავერდაშვილს (შემდგომში “მიმწოდებელი”) შორის.

1. ხელშეკრულების საფუძველი

- 1.1 "სახელმწიფო შესყიდვების შესახებ" საქართველოს კანონი (მუხლი 10, მე-3 პუნქტის "ა" ქვეპუნქტი).
- 1.2 "აუდიტორული საქმიანობის შესახებ" საქართველოს 1995 წლის კანონი.
- 1.3 „ვაქცინებისა და იმუნიზაციის გლობალური ალიანსი (ვიგა-GAVI)"-ის პროგრამა.

2. ხელშეკრულების საგანი

- 2.1 „ვაქცინებისა და იმუნიზაციის გლობალური ალიანსი (ვიგა-GAVI)"-ის მიერ გამოყოფილი დახმარების ფარგლებში აუდიტორული მომსახურების შესყიდვა.

3. ხელშეკრულების საერთო ღირებულება

- 3.1 ხელშეკრულების საერთო ღირებულება შეადგენს არაუმეტეს 1200.00 (ერთიათასორასი) ლარი.

4. ხელშეკრულების ობიექტი

- 4.1 ხელშეკრულების (შესყიდვის) ობიექტია: ფინანსური საქმიანობის აუდიტორული შემოწმება (შემდგომში “მომსახურება”), რომელიც მოიცავს პერიოდს 01.01.2010 დან 31.12.2010 ჩათვლით.

5. შესყიდვის ობიექტის ხარისხი

- 5.1 “მიმწოდებელი” უზრუნველყოფს ”მომსახურების” სრულ და დროულ შესრულებას

6. შესყიდვის ობიექტის მიწოდების პირობები, ადგილი და ვადები

- 6.1 “მიმწოდებელი” ”მომსახურების” მიწოდებას განხორციელებს “შემსყიდველის” მოთხოვნის შესაბამისად.
- 6.2 ”მომსახურების” მიწოდების ადგილი – თბილისი, მ. ასათიანის ქ. №9, ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი.
- 6.3 ხელშეკრულების “მომსახურების” გაწევის ვადაა 02.05.11-30.06.11წწ.

7. შესყიდვის ობიექტის მიღება-ჩაბარების წესი

- 7.1 ხელშეკრულებით გათვალისწინებული პირობების სრული შესრულების შემდგომ ან და გარკვეული ეტაპის დამთავრების შედეგად მხარეებს შორის ფორდება მიღება-ჩაბარების აქტი.
- 7.2 შესყიდვის ობიექტის მიღების და საბოლოო შემოწმების ადგილია: ქ. თბილისი მ. ასათიანის №9, ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი.
- 7.3 შესყიდვის ობიექტის მიღების დროს გამოვლენილი ნაკლის აღმოფხვრას საკუთარი ხარჯებით უზრუნველყოფს “მიმწოდებელი”.
- 7.4 ხელშეკრულების პირობების არასათანადო შესრულებისას “შემსყიდველს” უფლება აქვს არ გააფორმოს მიღება-ჩაბარების აქტი და მოითხოვოს “მიმწოდებლისაგან” მისი სრული და დროული შესრულება, ან მოითხოვოს შესაბამისი კომპენსაცია სრული ანაზღაურებით “მომსახურების” განხორციელების სრული დამთავრების უზრუნველსაყოფად.
- 7.5 “შემსყიდველს” აქვს უფლება განაცხადოს უარი ობიექტის მიღება-ჩაბარებაზე იმ შემთხვევაშიც, თუ შუალედური კონტროლის შედეგები იყო დადებითი.

8. ანგარიშსწორების ფორმა, ვადები და პირობები

- 8.1 ანგარიშსწორების ფორმა – უნაღლო ანგარიშსწორება.
- 8.2 ანგარიშსწორება განხორციელდება ლარებში.
- 8.3 "შემსყიდველსა" და "მიმწოდებელს" შორის საბოლოო ანგარიშსწორება მოხდება შესაბამისი დოკუმენტაციის გაფორმების შემდეგ.



8.4 “შემსყიდველი”, “მიმწოდებლის” მიერ წარდგენილი გარანტიის (საბანკო, დაზღვევა და სხვა) საფუძველზე გასცემს ავანსს, რომლის ოდენობა შეადგენს ხელშეკრულების ღირებულების 45%-ს.

9. მხარეთა ვალდებულებები და უფლება-მოვალეობები

9.1 “შემსყიდველი” ვალდებულია:

9.1.1 აცნობოს “მიმწოდებელს” ყველა მომხდარ ცვლილებათა შესახებ, რომელიც პირდაპირ ან ირიბად შეიძლება ეხებოდეს ხელშეკრულების პირობებს.

9.1.2 “შემსყიდველი” იღებს ვალდებულებას აუნაზღაუროს “მიმწოდებელს” გაწეული “მომსახურების” ღირებულება უნაღლო ანგარიშსწორებით “მიმწოდებლის” მიერ წარმოდგენილი ანგარიშის შესაბამისად.

9.2 “მიმწოდებელი” ვალდებულია:

9.2.1 “შემსყიდველის” მოთხოვნის შესაბამისად განახორციელოს “მომსახურების” გაწევა, რომელიც სრულად შეესაბამება ხარისხით და სხვა ყველა მონაცემებით “შემსყიდველის” მოთხოვნას.

9.2.2 აცნობოს “შემსყიდველს” ყველა იმ ცვლილებათა შესახებ, რაც პირდაპირ ან ირიბად ეხება ხელშეკრულებას.

9.2.3 დროულად შეასრულოს ხელშეკრულებით ნაკისრი ყველა ვალდებულებანი.

9.3 “შემსყიდველი” უფლებამოსილია:

9.3.1 მოითხოვოს “მიმწოდებლისაგან” ხელშეკრულების ყველა პუნქტის უცილობელი შესრულება;

9.3.2 უარი განაცხადოს ხელშეკრულების პირობების შესრულებაზე იმ შემთხვევაში, თუ “მიმწოდებელი” დაარღვევს ხელშეკრულებით ნაკისრ ვალდებულებებს ან მის წინაშე დადგება დაუძლეველი ძალა;

9.3.3 არ სცნოს “მიმწოდებლის” არცერთი ვალდებულება, რომელიც არაა განსაზღვრული ამ ხელშეკრულებით.

9.3.4 “შემსყიდველს” უფლება აქვს შეამოწმოს გაწეული “მომსახურების” ხარისხი და შესრულების ვადები და, თუ “მიმწოდებელი” არასათანადოდ ასრულებს ხელშეკრულების პირობებს, მოითხოვოს ხელშეკრულების გაუქმება გაწეული “მომსახურების” ანაზღაურების გარეშე.

9.4 “მიმწოდებელი” უფლებამოსილია:

9.4.1 მოითხოვოს “შემსყიდველისაგან” მის მიერ გაწეული “მომსახურების” ღირებულების სრული ანაზღაურება.

9.4.2 განაცხადოს უარი ხელშეკრულების შესრულებაზე ან მის გაგრძელებაზე, თუ “შემსყიდველის” მიერ სახელშეკრულებო პირობების შეუსრულებლობის გამო მისთვის შეუძლებელი ხდება “მომსახურების” გაწევა ან მის წინაშე დადგა დაუძლეველი ძალა.

9.4.3 აწარმოოს მოლაპარაკება “შემსყიდველთან” სახელშეკრულებო პირობებში კანონით დაშვებული ცვლილებების შეტანისათვის.

9.4.4 მიმართოს სასამართლოს ან სხვა ორგანოს “შემსყიდველის” მიერ ხელშეკრულების პირობების დარღვევის გამო.

9.4.5 მოითხოვოს “შემსყიდველისაგან” რეალური ზარალის ანაზღაურება, რაც გამოიწვია მისი მხრიდან ამ ხელშეკრულების პირობების დარღვევამ.

9.4.6 “მიმწოდებელს” უფლება აქვს მოითხოვოს “შემსყიდველისაგან” გაწეული “მომსახურების” ღირებულების დროული ანაზღაურება, წარმოდგენილი ანგარიშის საფუძველზე და შეუსრულებლობის შემთხვევაში გააუქმოს დადებული ხელშეკრულება.


10. ხელშეკრულების სხვა პირობები

10.1 “მიმწოდებელს” არ აქვს უფლება “შემსყიდველის” წერილობითი თანხმობის გარეშე მოახდინოს მესამე პირისათვის უფლებების გადაცემა.

10.2 “შემსყიდველი” არ მიიჩნევს დასაშვებად ფასების გადასინჯვის შესაძლებლობას, თუ იგი გამოიწვევს ხელშეკრულების ღირებულების ზრდას.

10.3 ხელშეკრულების შესრულების შეფერხების შემთხვევაში მხარეები დაუყოვნებლივ წერილობით ატყობინებენ ერთმანეთს და ღებულობენ ერთობლივ გადაწყვეტილებას.




2

- 10.4 ხელშეკრულების პირობების ცალმხრივი შეუსრულებლობა მხარეთა შორის დადებული შეთანხმების გარეშე, განურჩევლად მისი ობიექტური მიზეზისა გამოიწვევს საჯარიმო სანქციებს.
- 10.5 ხელშეკრულების მთლიანი ან ნაწილობრივი შეწყვეტა მხარეთა მიერ წერილობით შეტყობინების გარეშე და ამ შეტყობინებაზე წერილობითი პასუხის მიღების გარეშე დაუშვებელია.
- 10.6 საჯარიმო სანქციების გადახდა არ ათავისუფლებს "მიმწოდებელს" ძირითადი ვალდებულებების შესრულებისაგან.

**11. ხელშეკრულების შეწყვეტა მისი პირობების
შეუსრულებლობის გამო**

- 11.1 "შემსყიდველს" შეუძლია მთლიანად ან ნაწილობრივ შეწყვიტოს ხელშეკრულება, "მიმწოდებლისათვის" ვალდებულებების შეუსრულებლობის წერილობითი შეტყობინების შემდეგ:
 - 11.1.1 თუ "მიმწოდებელს" ხელშეკრულებით გათვალისწინებულ ან "შემსყიდველის" მიერ გაგრძელებულ ვადებში არ შეუძლია "მომსახურების" გაწევა;
 - 11.1.2 თუ "მიმწოდებელს" არ შეუძლია შეასრულოს ხელშეკრულებით გათვალისწინებული რომელიმე ვალდებულება, რომელიც ცვლის პირობებს რის გამოც ვერ განხორციელდება "მომსახურების" გაწევა სრულად ან დადგენილ ვადებში.
- 11.2 ხელშეკრულების ცალკეული პირობების მოქმედების შეწყვეტა არ ათავისუფლებს "მიმწოდებელს" დანარჩენი ვალდებულებების შესრულებისაგან.
- 11.3 "შემსყიდველს" შეუძლია მიიღოს გადაწყვეტილება ხელშეკრულების შეწყვეტის შესახებ:
 - 11.3.1 თუ ხელშეკრულების შესრულების გაგრძელება მიზანშეუწონელია "შემსყიდველის" ფინანსური ინტერესებიდან გამომდინარე;
 - 11.3.2 თუ "შემსყიდველისათვის" ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - 11.3.3 "მიმწოდებლის" გაკოტრების შემთხვევაში.
- 11.4 ამ მუხლის მე-3 პუნქტში მითითებულ შემთხვევებში "შემსყიდველი" ვალდებულია აუნაზღაუროს "მიმწოდებელს" უკვე ფაქტიურად გაწეული "მომსახურების" ღირებულება.

12. ხელშეკრულებაში ცვლილებების შეტანა

- 12.1 ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შესწორებით.
- 12.2 მხარეებს არ ენიჭება უფლება ცალმხრივად შეცვალოს ხელშეკრულების პირობა.
- 12.3 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ხელშეკრულებაში ცვლილებათა შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს, "შემსყიდველი" არ არის ვალდებული წარუდგინოს "მიმწოდებელს" რაიმე მტკიცებულებანი იმ გარემოებებთან დაკავშირებით, რამაც წარმოშვა ხელშეკრულების პირობების შეცვლის აუცილებლობა.
- 12.4 ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შესწორებით და ფორმდება ხელშეკრულების დანამატის სახით რომელიც წარმოადგენს ხელშეკრულების განუყოფელ ნაწილს.

13. დაუძლეველი ძალის მოქმედება

- 13.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველ გარემოებათა შედეგი.
- 13.2 ამ მუხლის მიზნებისათვის "დაუძლეველი ძალა" ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული "შემსყიდველისა" და/ან "მიმწოდებლის" შეცდომებსა და დაუდევრობასთან და მას გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას საბრძოლო მოქმედებებით, წყალდიდობით, ეპიდემიით, კარანტინით და სხვა მოვლენებით, რომელსაც ცნობენ მხარეები.



- 13.3 დაუძლეველი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება აღწერილობით გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობათა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ დაუძლეველი გარემოებების ზეგავლენისაგან.
- 13.4 დაუძლეველი ძალის არსებობა, უკიდურეს შემთხვევათა გარდა, უნდა იყოს დადასტურებული ოფიციალური ორგანოების მიერ, პრესის ან სხვა მხარეებისათვის მისაღები ფორმით.

14. სადაო საკითხების გადაწყვეტა

- 14.1 "შემსყიდველმა" და "მიმწოდებელმა" უნდა იხმაროს ყველა ღონე, რათა მათ შორის, ყველა უთანხმოება და დავა წარმოქმნილი, ხელშეკრულების ან მასთან დაკავშირებული სხვა კომპონენტის ირგვლივ, მოაგვარონ მოლაპარაკების წესით.
- 14.2 თუ "შემსყიდველი" და "მიმწოდებელი" ვერ შესძლებენ სადაო საკითხის მოგვარებას მოლაპარაკების გამართვის შემდეგ, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს სასამართლოს, რის შესახებაც იგი წინასწარ აცნობებს მეორე მხარეს.

15. გამოსაყენებელი სამართალი

- 15.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16. ხელშეკრულების ენა

- 16.1 ხელშეკრულების ენაა ქართული. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს სახელშეკრულებო პირობებს.

17. ურთიერთობა მხარეებს შორის

- 17.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.
- 17.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

18. მხარეთა პასუხისმგებლობა ხელშეკრულების პირობების დარღვევისათვის

- 18.1 მხარეები სრულად იღებენ პასუხისმგებლობას ხელშეკრულების სრული და უპირობო შესრულებისათვის.
- 18.2 ამასთან მხარეები სრულად იღებენ პასუხისმგებლობას მოახდინონ მიყენებული რეალური ზარალის ანაზღაურება, რომელსაც ექნება შესაბამისი დადასტურება.

19. ხელშეკრულების შესრულების კონტროლი

- 19.1 "მიმწოდებლის" მიერ ხელშეკრულებით ნაკისრი ვალდებულებების შესრულების კონტროლი განხორციელდება ინსპექტირების ჯგუფის მიერ "მომსახურების" მიწოდების მომენტში და აისახება აქტში.

20. ხელშეკრულების მოქმედების ვადა

- 20.1 ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან.
- 20.2 ხელშეკრულების მოქმედების ვადა განისაზღვრება: 02.05.11-30.06.11წწ



- 20.3 ხელშეკრულების მოქმედების ვადებში ცვლილება შესაძლებელია მხოლოდ მხარეთა ურთიერთშეთანხმებით.
- 20.4 ხელშეკრულების მოქმედება წყდება მხარეების მიერ ყველა ვალდებულებათა შესრულებისა და დებიტორულ-კრედიტორული დავალიანებათა დაფარვის შემდგომ.

21. განსაკუთრებული შენიშვნები

- 21.1 ხელშეკრულება სახელმწიფო შესყიდვების შესახებ ითვალისწინებს “სახელმწიფო შესყიდვების შესახებ” საქართველოს კანონს და არ შეიძლება ცდებოდეს მას.
- 21.2 ხელშეკრულება დგება ორ თანაბარძალოვან ეგზემპლარად, საიდანაც ერთი ეგზემპლარი გადაეცემა “მიმწოდებელს”.

22. მხარეთა რეკვიზიტები

“შემსყიდველი”

სსიპ ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი ასათიანის ქ. №9
 საბანკო რეკვიზიტები:
 თიბისი ბანკის ვაჟა-ფშაველას გამზირი ს/კ №1
 ბ/კ 220101819, ა/ა 37434080100002,
 ს/კ 211324351

გენერალური დირექტორი:



“მიმწოდებელი”

შ.პ.ს “აუდიტ-ეკონომიქსი”
 ქ. თბილისი, ტოლსტოის ქ. №2
 საქართველოს ბანკის
 ცენტრალური ფილიალი
 ბ/კ BAGAGE22 ა/ა179014200
 ს/კ 202365092. ტელ.877730647

დირექტორი:



ა. ალავერდაშვილი

ბ.ა

Handwritten signature